



Saxtorph Didriksen
Inatsisartunut ilaasortaq, Siumut
-/Maani

**Pineqartoq § 37 naapertorlugu apeqqummut 135-imut Royal Arctic Linemi
inuttanut tunngasumut akissuteqaat**

07-07-2014
Sags nr. 2014-101471
Dok. nr. 1622826

Apeqqutinnut matuma kinguliani akineqartumut qujavunga.

Postboks 1160
Tlf: 34 50 00
Fax: 34 55 05
3900 Nuuk

Email: pan@nanoq.gl
www.naalakkersuisut.gl

**1. Royal Arctic Linep nunaqarfinnut sinersorlutik pajuttaataani aqumiuinut,
maskiinalerisuinut inuttaanullu allanut pikkorissarnerit qanga aallartippat?**

Royal Arctic Linep sulisuni ingerlaavartumik ilinniaqqinnissamik imaluunniit pikkorissarnissamik pisariaqartunik neqeroorfigisarpai, tassa oqartussaasut piumasaqaataannik naammassinninniarluni. Tamanna aammattaaq atuuppoq umiarsuarnik nutaanik tigusinissamut atatillugu, tassani umiarsuit angissusiat pissutaallutik ilinniakkatigut aamma piginnaasatigut piumasaqaatit maannakkut umiarsuaaqanit pigisaaniit allaanerujussuummata.

Royal Arctic Line 2007-imiilli ilinniaqqinnissamut Royal Arctic Bygdeservicemut tunngatitamik umiarsuaaqanut nutaanut piginnaanngorsarnissamut ilinniaqqinnissat neqeroorutigai. Imarsiortunut neqeroorutigineqarput ilinniakkamik naammassinninnissamut aningaasatigut aamma suliatigut tapersersorneqarnissaat.

**2. Aqumiut, maskiinalerisut inuttallu allat qassit maannamut
pikkorissarneqarnikuuppat?**

Imarsiortut tallimat piginnaanngorsarlutik ilinniaqqissimasut suli maannakkut Royal Arctic Linemut attuumassuteqarput. Sulilu ingerlatsinissat allat qulit pilersaarutigineqareersimapput imaluunniit pilersaarusioreqarnerat ingerlanneqarpoq.

3. Pikkorissarnerit qaqugu naammassissappat sumilu ingerlanneqarpat?

Pikkorissarnerit ilaat aallartinneqareerput naammassineqareerlutillu. Tullinguuttut 2014-imi ukiakkut aallartissapput. Naatsorsuutigineqarpoq inuit pikkorissarnissamik neqeroorummut akuersiniarlutik kissaateqarsimasut kingullit 2015-ip qeqqani / naajartornerani tamatuminnga aallartitsinissaat.

Pineqartut tassaapput inatsisit tunngavigalugit ilinniaqqinnissat. Taamaattumik imarsiornermut ilinniaqqiffiit assigiinngitsut atorineqarput, taakkununga ilaallutik Imarsiornermik Ilinniarfik, Skagen Skipperskole aamma Marstal Navigationsskole.

4. Pikkorissarlutik naammassinnissimasut qulakkiissavaat RAL-ip nunaqarfiliartaataaasaani aqumiutut, maskiinalerisutut inuttaatullu allatut ullumikkutut akisussaaffiit tigummiinnarnissaat?

Kikkut tamarmik ilinniaqqinnernik pisariaqartunik naammassinnittut sulii Royal Arctic Linemi suliiinnarnissaminut neqeroorfigineqassapput. Akisussaaffiup assinganik tigummiinnarnissaannut apeqquataavoq ilinniagaq sunaanersoq. Imarsiortunut ilinniartitaanernik pisariaqartunik naammassinnissimasunut aallaaviuvoq atorfirminni ingerlaannarnissaat.

Taamaattorli maannakkut Royal Arctic Bygdeservicemi umiarsuit naalagaat (skibsførere) atuutilersitsiartuaarnerup ingerlanerani naalakkatut angalasinnaangillat, tassa Royal Arctic Linemit aalajangerneqarsimammat misilittakkanut piunasaqaatit maannakkut atlantikukkoortaatinitut imaluunniit Pajuttaamisut ittuunissaat. Piunasaqaatinut sukannernerulersunut pissutaanerpaaq tassaavoq umiarsuarni naalakkat akisussaaffigimmassuk ISM-ip (International Safety Management Code)¹ aamma ISPS-ip (International Ship og Port Facility Security Code)² atuutsinneqalernissaat umiarsuit nutaat tigunerinut atatillugu.

Atortut taakku maannakkut umiarsuarni atlantikukkoortaatini aamma Pajuttaammi atorineqareerput, kisianni nunaqarfiliartaatinik atorunnaarneqartussani atorineqarnatik. Taamaattumik pissusissamisoorpoq umiarsuarnik aqutsisunik atortunik taakkuninnga misilittagaqartunik aallaqqaataani atuinissaq.

5. Ullumikkut atorfeqartut qassit neqeroorfigineqarpat pikkorissarnissaminut?

Imarsiortut Royal Arctic Bygdeservicemut aalajangersimasumik attuumassuteqartut imarsiortermik tunngaviumik ilinniagaqarsimasut tamarmik neqerooruteqarfigineqarput ilinniaqqinnissamik. Ingerlatsiviup agguaqatigiissillugit sulisut imarsiortut 24-t sulisorivai, kisianni ukiup ingerlanerani allanngortoqartarnera aamma nalinginnaasumik suliiunnaartarnerit pissutaallutik imarsiortut aalajangersimasumik attuumassuteqartut amerlanerulaarsinnaapput.

Qanoq ittoqarnera maannakkut tunngavigalugu taava maannakkut attuumassuteqartut qulit ingerlaannartumik umiarsuarnut nutaanut nuussinnaapput. Tallimat piginnaanngorsarneqarsimapput aamma apeqquummut 2-mut akissutigineqartumi taaneqareersutut, taava naatsorsuutigineqarpoq sulii qulit piginnaanngorsaqqinnernik ingerlatsinissaat.


Sinnerupput imarsiortut tallimat taakku imarsiortermik tunngaviumik ilinniagaqarsimannngitsuupput, tamannalu umiarsuaaqqani nutaani inatsisitigut

¹ ISM = Nunarsuaq tamakkerlugu umiarsuarni sillimaniarnissamat mingutsitsinnnginnerunissamullu piunasaqaatit. *Paasissutissanik pissarsiffik: www.sofartsstyrelsen.dk*

² ISPS = Nunarsuaq tamakkerlugu umiarsuarni umiarsualivinnilu ajortumeeriniartoqarsinnaaneranut sillimaniarnermut piunasaqaatit. *Paasissutissanik pissarsiffik: www.sofartsstyrelsen.dk*

piumasaqaataavoq. Pineqartut toqqarsinnaavaat imarsionermik tunngaviusumik ilinniagaqarnissamik ingerlatsinissartik maannakkut ilinniagaqarnissamut maleruagassat malillugit. Imarsionermik tunngaviusumik ilinniagaqarnermik naammassisaqarnissartik toqqanngikkunikku taava naatsorsuutigisariaqarpaat allamik suliffissarsiornissartik RAL-imi imaluunniit avataani.

Inussiarnersumik inuulluaqqusillunga



Steen Lynge